

Broj: 06-02-121-3-1/2019-8
Sarajevo, 18.07.2019. godine

Na osnovu člana 70. st. (1) i (4), a u vezi sa članom 69. stav (2) tačka d) Zakona o javnim nabavkama („Službeni glasnik BiH“, broj 39/14), sekretar Vlade Federacije Bosne i Hercegovine, d o n o s i

**ODLUKU
O PONIŠTENJU POSTUPKA JAVNE NABAVKE ROBA – NABAVKA MREŽNE OPREME ZA
POTREBE GENERALNOG SEKRETARIJATA VLADE FEDERACIJE BOSNE I HERCEGOVINE**

I.

Poništava se postupak javne nabavke: Konkurentski zahtjev za dostavu ponuda za javnu nabavku roba - nabavka mrežne opreme za potrebe Generalnog sekretarijata Vlade Federacije Bosne i Hercegovine, evidencijski broj nabavke: 06-02-121-3-1/2019-1 od 03.06.2019. godine, broj Obavještenja o nabavci sa Portala javnih nabavki: 854-7-1-20-3-13/19 od 03.06.2019. godine i broj Ispravke za obavještenje o nabavci sa Portala javnih nabavki: 854-7-1-20-8-14/19 od 11.06.2019. godine, s obzirom da nijedna od primljenih ponuda nije prihvatljiva.

II.

Odluka stupa na snagu danom donošenja i objavit će se na web stranici Vlade Federacije Bosne i Hercegovine – Generalnog sekretarijata Vlade Federacije Bosne i Hercegovine u skladu sa članom 70. stav (6) Zakona o javnim nabavkama, istovremeno s upućivanjem iste svim ponuđačima koji su učestvovali u predmetnom postupku javne nabavke.

O b r a z l o ž e n j e

Postupak nabavke pokrenut je Odlukom o pokretanju postupka javne nabavke, broj: 06-02-121-3/2019 od 24.04.2019. godine i broj: 06-02-121-3-1/2019 od 30.05.2019. godine. Javna nabavka provedena je putem konkurentskog zahtjeva za dostavu ponuda. Procijenjena vrijednost nabavke iznosila je 49.900,00 KM bez PDV-a.

Obavijest o nabavci broj: 854-7-1-20-3-13/19 poslana je na objavu 03.06.2019. godine, te je istog dana objavljena na portalu Javnih nabavki, a Ispravka za obavještenje o nabavci broj: 854-7-1-20-8-14/19 poslana je na objavu 11.06.2019. godine, te je istog dana objavljena na portalu Javnih nabavki.

Tendersku dokumentaciju je preuzelo 28 (dvadesetosam) privrednih subjekata, Ispravku Tenderske dokumentacije je preuzelo 11 (jedanaest) privrednih subjekata, a 2 (dva) ponuđača dostavila su ponude u predmetnom postupku nabavke.

Sve ponude su blagovremeno pristigle. U skladu sa provedenim predmetnim postupkom javne nabavke, ponude su dostavili sljedeći ponuđači: Lanaco d.o.o. Banja Luka i TeleGroup d.o.o. Sarajevo.

Komisija za javne nabavke, imenovana Rješenjem, broj: 09-34-122-R-3/2019 od 26.04.2019. godine, izvršila je pregled i ocjenu ponuda, te konstatovala da su obje primljene ponude ocijenjene kao neprihvatljive.

- Ponuda ponuđača Lanaco d.o.o. Banja Luka, ID broj: 4400853190007, odbačena je iz sljedećih razloga:
 - Ugovorni organ je dana 11.06.2019. godine izvršio izmjenu Tenderske dokumentacije, broj: 06-02-121-3-1/2019-1 odnosno izmjenu Aneksa 3 – Obrazac za cijenu ponude – robe (mrežna oprema) i objavio izmjenu iste na portalu javnih nabavki.
U vezi sa gore navedenim, ponuđač Lanaco d.o.o. Banja Luka je preuzeo izmjenu Tenderske dokumentacije, dana 11.06.2019. godine u 13:49 sati i prilikom pripreme ponude trebao je koristiti izmijenjeni Aneks 3 – Obrazac za cijenu ponude – robe (mrežna oprema).
Komisija je prilikom evaluacije Ponude konstatovala da Ponuđač nije koristio izmijenjeni Obrazac za cijenu ponude – robe (mrežna oprema), nego je popunio i u Ponudi dostavio Aneks 3 - Obrazac za cijenu ponude – robe (mrežna oprema), koji je činio sastavni dio Tenderske dokumentacije prije izmjena iste.
U tački 4. **Obrazac za cijenu ponude** Tenderske dokumentacije, između ostalog, propisano je: *„Ponuđač je dužan dostaviti popunjen Obrazac za cijenu ponude u skladu sa zahtjevima kako su definirani za sve stavke koje su sadržane u obrascu. U slučaju da ponuđač propusti popuniti obrazac u skladu s postavljenim zahtjevima za sve stavke koje su navedene, njegova ponuda će biti odbačena.“*
 - U Aneksu 3 - OBRAZAC ZA CIJENU PONUDE – ROBE (mrežna oprema) u tabelarnom prikazu pod rednim brojem 2. kod Naziva „Firewall uređaj nove generacije (TIP 2)” u rubrici “Tehnička specifikacija” traženo je, između ostalog, “- Podrška za 1024 VLAN interfejsa”.
Pregledom Ponude, a u skladu sa gore navedenim ponuđač Lanaco d.o.o. Banja Luka za navedenu robu ponudio je robu-uređaj sa označenim tehničkim karakteristikama koje se ne odnose na ponuđenu robu-uređaj, tj. na strani 46. Ponude ponuđen je uređaj „FortiGate 200E/201E“, a na strani 55. Ponude data je detaljna tehnička specifikacija za uređaj 300E.
- Ponuda ponuđača TeleGroup d.o.o. Sarajevo, ID broj: 4202127640005, odbačena je iz sljedećih razloga:
 - Ugovorni organ je dana 11.06.2019. godine izvršio izmjenu Tenderske dokumentacije, broj: 06-02-121-3-1/2019-1 odnosno izmjenu Aneksa 3 – Obrazac za cijenu ponude – robe (mrežna oprema) i objavio izmjenu iste na portalu javnih nabavki.
U vezi sa gore navedenim, ponuđač TeleGroup d.o.o. Sarajevo je preuzeo izmjenu Tenderske dokumentacije, dana 11.06.2019. godine u 15:10 sati i prilikom pripreme Ponude trebao je koristiti izmijenjeni Aneks 3 – Obrazac za cijenu ponude – robe (mrežna oprema).
Komisija je prilikom evaluacije Ponude konstatovala da Ponuđač nije koristio izmijenjeni Obrazac za cijenu ponude – robe (mrežna oprema), nego je u Ponudi dostavio Aneks 3 - Obrazac za cijenu ponude – robe (mrežna oprema), koji je činio sastavni dio Tenderske dokumentacije prije izmjena iste (u kojem pored navedenog nije popunjena rubrika „Naziv proizvođača“ niti za jednu robu-uređaj).
U tački 4. **Obrazac za cijenu ponude** Tenderske dokumentacije, između ostalog, propisano je: *„Ponuđač je dužan dostaviti popunjen Obrazac za cijenu ponude u skladu sa zahtjevima kako su definirani za sve stavke koje su sadržane u obrascu. U slučaju da ponuđač propusti popuniti obrazac u skladu s postavljenim zahtjevima za sve stavke koje su navedene, njegova ponuda će biti odbačena.“*
 - U Aneksu 3 - OBRAZAC ZA CIJENU PONUDE – ROBE (mrežna oprema) u tabelarnom prikazu pod rednim brojem 6. kod Naziva „PoE switch“ u rubrici “Tehnička specifikacija” traženo je, između ostalog, “- Jumbo Frame: min 10KB”.

Pregledom Ponude, a u skladu sa gore navedenim ponuđač TeleGroup d.o.o. Sarajevo na strani 107 Ponude ponudio je, između ostalog, robu-uređaj sa tehničkom karakteristikom „Jumbo Frame: 9KB“


Također, ponuđač TeleGroup d.o.o. Sarajevo nije u skladu sa tačkom 7. Napomene date u Aneksu 3 – Obrazac za cijenu ponude – robe (mrežna oprema) dostavio jasno označene tražene tehničke karakteristike ponuđene robe.

Nakon izvršenog pregleda i ocjene ponuda, Komisija je dostavila sekretaru Vlade Federacije Bosne i Hercegovine, Zapisnik o pregledu i ocjeni ponuda, broj: 06-02-121-3-1/2019-7 od 17.07.2019. godine i preporuku za donošenje odluke o poništenju postupka.

Uzimajući u obzir naprijed navedeno, a shodno članu 69. stav (2) tačka d) Zakona o javnim nabavkama („Službeni glasnik BiH“, broj: 39/14), odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke, ponuđači koji su učestvovali u postupku nabavke mogu izjaviti žalbu Uredu za razmatranje žalbi Bosne i Hercegovine, putem Ugovornog organa – Generalnog sekretarijata Vlade Federacije Bosne i Hercegovine u pisanoj formi direktno, elektronskim putem ili preporučenom poštanskom pošiljkom, u roku od 10 (deset) dana od dana prijema ove odluke.



SEKRETAR VLADE

mr. sc. Edita Kalajdžić

Dostaviti:

1. Svim ponuđačima u postupku
2. U dokumentaciju Komisije
3. Sektoru za pravne i opće poslove
4. Sektoru za materijalno-finansijske poslove